

समे – 12:25

<><><><><><>

PM-Ratan Tata

प्रधानमंत्री नरेन्द्र मोदी होरें आखेआ ऐ जे सुरगवासी रतन टाटा हुंदे जीवन थमां एह प्रेरणा थोंदी ऐ जे सच्चे नेतृत्व दा आकलन कुसै दी उपलब्धि कन्नै नेई सगुआं सब्बने शा कमजोर माहनुएं दा ख्याल रखने दी ओहदी समर्थ कन्नै हुंदा ऐ। इक राश्ट्री दैनिक च छपे दे अपने लेख च श्री मोदी होरें आखेआ जे रतन टाटा होरें गी पूरा होए दे इक म्हीना होई गेआ ऐ पर उंदी गैर मजूदगी ना छड़ी भारत च सगुआं दुनिया भरै च समाज दे हर वर्ग गी मसूस होआ करदी ऐ। श्री मोदी होरें आखेआ जे रतन टाटा होर ओकड़े लोकें दिएं यादें च सदा जींदे रौंहगन जिंदे लेई उनें कम्म कीता ते सुखने बने। उनें आखेआ जे मन्ने परमन्ने दे उद्योगपति, उभरदे होई उद्यमी ते मेहनती कारोबारी उंदे जाने दा सोग मनाह करदे न। उनें आखेआ जे रतन टाटा होर युवाएं लेई प्रेरणा हे ते ओह इस गल्लै दे प्रतीक हे जे सुखनें गी सच कीता जाई सकदा ऐ ते दया ते मनुक्खता दे कन्नै कामयाबी हासल कीती जाई सकदी ऐ। प्रधानमंत्री होरें इस गल्ले पर लोह पाई जे रतन टाटा होर राश्ट्र दे स्टार्टअप तंत्र दा नेतृत्व करने लेई मशहूर होई गे हे। उनें आखेआ जे ओह युवा उद्यमिं दिएं आसें—तांगें गी समझदे हेते देसै दे भविक्ख गी आकार देने च उंदी समर्थ गी पंछानदे बी ऐ हे।

<><><><><><>

CDS

प्रमुख रक्षा अध्यक्ष जनरल अनिल चौहान होरें कल नमीं दिल्ली च भारती सैन्य विरासत महोत्सव दे दुए सलाना संस्करण दा उद्घाटन कीता। दऊं दिनें दे इस महोत्सव दा मकसद भारत दी राश्ट्री सुरक्षा, विदेश नीति ते सैन्य विरासत पर ध्यान केन्द्रित करने लेई वैश्विक ते भारती विचारकें, निगमें, सरकार ते निजी खेत्तर, गैर सरकारी संगठनें ते शैक्षणिक संस्थानें गीमंच मुहैया करोआना ऐ। इस मौके पर जनरल चौहान होरें शौर्य गाथा परियोजना दा शुभारंभ कीता। इस परियोजना दा मकसद शिक्षा ते पर्यटन दे माध्यम कन्नै भारत दी सैन्य विरासत दा संरक्षण करना ते उसी बढ़ावा देना ऐ।

<><><><><><>

CM-Health Policy

मुख्यमंत्री उमर अब्दुल्ला होरें कल श्रीनगर च नमें चुने गेदे मैडिकल अफसरें गी नियुक्ति पत्र सौंपे। चुने गेदे 325 मैडिकल अफसरें चा 26एं अफसरें सेहत सेवा प्रणाली च अहम भूमका दी सराहना लेइ मुख्यमंत्री हुंदे कोला नियुक्ति पत्र हासल कीते। अपने संबोधन च मुख्यमंत्री होरें घोशणा कीती जे जम्मू कश्मीर लेई नमीं सेहत नीति बनाई जाग। जेहदा खास मकसद ग्राएं थाहरें दी सेहत सरबंधी जरूरतां पूरिया करना होग। उनें दस्सेआ जे नमीं नीति पैहले आली खामिएं गी दूर करोग तां जे पिछड़े लोकें गी बेहतर सेहत सेवा उपलब्ध करोआइयां जाई सकन। ग्रां च सेहत सेवाएं गी सब्बने शा अगगे रखदे होई अब्दुल्ला होरें आखेआ जे सरकार दा मकसद हर क्षेत्र तोड़ी बरोबर सेहत सेवा ते सहूलतां पजाना ऐ जेहदे कन्नै लोकें गी समें पर सेही इलाज थहोई सकोग ते उनेंगी एहदे लेई लम्मा सफर तैह नेई करना पौग।

<><><><><><>

Div.Com Winters

जम्मू दे डिवीजनल कमीशनर रमेश कुमार होरें सब्बने जिला विकास कमीशनरें दी इक बैठक दी अध्यक्षता करदे होई औंदे सयाल लेई तैआरिएं दी समीक्षा कीती। बैठक च बक्ख-बक्ख मैहकमें दे अध्यक्ष बी मजूद हे। बैठक दरान उनें जम्मू प्रांतै दे पहाड़ी ते बफबारी आले इलाके च सयाले दरान जरूरी बंदोबस्तें, बिजली पानी दी सप्लाई, बर्फ हटाने दे प्रबंध, राशन, रसोई गैस, इंधन ते होर दुइएं जरूरी सेवाएं सुविधाएं दे बारे च तफसीली जानकारी हासल कीती। उनें जम्मू प्रांतै दे सब्बने जिलें च राशन, गैस ते होर दुइएं जरूरी चीजें दा स्टॉक पैहले गै जमा करी लैने दा निर्देश दित्ता। उनें मैहकमा पीडब्ल्यूडी, जरनैली सड़क प्राधिकरण, सीमा सड़क संगठन ते सरबंधत होरने मैहकमे कन्नै सड़कें दे रख-रखाव दे बारे च चेचे तौरा पर गल्लबात कीती ते आखेआ जे सर्दिएं च लोकें गी आओजाई च कोई परेशानी नेई औनी लोड़चदी। मीटिंगा च दस्सेआ गेआ जे हर जिले लोकें दिए दिक्कतें शकैतें गी सुनने ते जरूरी सेवाएं दी ब्हाली लेई दिन रात 24 घैंटे कम्म करने आले कंट्रोल रूम बनाए जांगन।

<><><><><><>

LET

पुलस नै आखेआ ऐ जे लश्करे तैयबा गुट कन्नै जुड़े दे 3 आतंकवादिएं गी गिरफ्तार करी लैता गेआ ऐ, जेहूँदे श्रीनगर च भीड़-भाड़ आले बजार च ऐतवार गी होए दे ग्रनेड हमले च शामिल हे। इस घटना च 12 लोक घायल होइ गे हे। जानकारी दिंदे होई आईजीपी कश्मीर बी.के.बिरदी होरें आखेआ जे श्रीनगर पुलस ते 3 आतंकवादिएं गी गिरफ्तार करियै एह मामला सुलझाई दित्ता ऐ। गिरफ्तार कीते गेदे जने इखराजपोरा दे रौहने आले न, जिनें पाकिस्तान थमां इशारा थोने पर इस घटना गी अंजाम दित्ता तां जे शांतिपूर्ण माहौल च खलल पाई जाए। कनूनी गतिविधिएं दी रोकथाम सरबन्धी कनून हेठ यूएपीए इनें त्रैनें खलाफ मामला दर्ज कीता गेआ।

<><><><><><>

Poonch DAJGUA

पुंछ दे जिला विकास कमीशनर विकास कुंडल होरें कल इक बैठक सदियै धरती आभा जन जसतीय ग्राम उत्कर्ष अभियान गी कामयाबी कन्नै लागू करने लेई औपचारिकताएं पर चर्चा करियै उनेंगी मुकदा रूप दित्ता। केन्द्र आस्सेआ प्रायोजित मती तरजीह आली इस फ्लैगशिप स्कीम दी शुरूआत प्रधानमंत्री होरें इससै ब'रे 2 अक्टूबर गी कीती ही जेहदा मकसद जनजातीय समुदाय दे दा समाजी आर्थिक विकास ते उंदे जीवन स्तरै गी उबड़ा वुक्कना ऐ। इस कल्याणकारी स्कीम च इनें वर्गे दे लोकें लेई रिहाइश, रोजगार दे मौके ते जनजातीय नोजवानें दी पढ़ाई लेई वजीफे दी बवस्था रखी गेदी ऐ। डीसी होरें इस मौके केन्द्र सरकार आस्सेआ जनजातीय समुदाय दे लोकें लेई कीते जा'रदे जतनें पर लोह पाई जिंदे च इनें लोकें लेई शिखा, ढांचागत सुविधा, सेहत सेवा ते होर दुइयां सहूलतां शामिल हियां।

<><><><><><>

Cricket

क्रिकेट च भारत नै दक्खनी अफ्रीका गी पैहले टी-20 अंतर्राष्ट्रीय मैच च 61 रंजें कन्नै हराई दित्ता। भारत नै पैहले बल्लेबाजी करदे होई 20 ओवरें च 8 विकेटें दे नुकसान पर 202 रंज बनाए, जेहदे परते च दक्खन अफ्रीका दी टीम 17 ओवरें 5 गेंदें च 141 रंज पर ऑल आउट होइ गई। भारत आस्सेआ संजू सैमसन नै 50 गेंदें पर शानदार 107 रंज बनाए ते प्लेयर ऑफ द मैच घोशत कीता गेआ। चार टी-20 मैचें दी श्रृंखला दा दुआ मैच ऐतवार खेड़डेआ जाग।

<><><><><><><>